

آبونه شرائطی : هریر
ایچون سنه لکی (۲۷۵)
آلتی آیانی (۱۵۰)

نسخه سی ۵ غروشد .
ایکی نسخه برآراده
(۱۰) غروشد
سنه لکی ۵۲ نسخه در .

اداره خانه : باب عالی جاده سنده
رشید افندی خائنده

اخطرات
آبونه بدلی پشیندر .

مسلكه موافق آثار مع المثنویه
قبول اولنور . درج ایدله بن
یازیلر اعاده اولنماز .

کتابخانه

۱۳۳۰

آدرس تبدیلنده آیریجه
۵ غروش کوندرملیدر .

مکتوبلرک امضاری واضح
واوقوناقلی اولسی و آبونه
صره نومروسی محتوی
بولونمسی لازمدر

ممالک اجنبیه ایچون آبونه
اولانلرک آدرس لرینک
فرانسه زجه یازلمسی رجا اولنور .

یاره کوندردلیکی زمان نهیه
داثر اولدینی بیلدیرلمسی
رجا اولنور

اتبعون اهدکم سبیل الرشاد

صاحب و مدیر
اشرف ادیب

باش محرر
محمد عاکف

والله یهدی من یشاء الی صراط مستقیم

بومساوی و رذائل یوزندن اولمکده در . هر جاذبه دن محروم عصری باراقه لردن متشکل تجاری شهرلری ایجاد ایدن (اندوستریالیزم) ک شرق روحیه هیچ بر مناسبتی یوقدر . مسلمانلر البسه لری طوقومای ، عصری آلات و ادوات ایله اراضیلری زراعت ایتیمی ، فابریقه لری و کندی احتیاجلری تطمین ایتیمی اوکر نه جکلر در . فقط یوقدر . اولنلردن حیاتلری ک ساده لکسی ، فطرتلری ک شعری سلب ایتیمی دوشونم ییکز . شرق مسئله سنی دیپلوماتلرله سیاسیلرک اللرندن آلیکز . چونکه بونلر بومسئله یی عصرلردن بری متبادیاً زهرله مشلر در . بومسئله یی او عالم لک الله تودیع ایدی کز که بونلر شرقده مؤخر لجه اعتراف اولونان و (رونه سانس) دورینه قدر دوام ایدن فاشیتی احیا ایدر لر . آنجق اون یدنچی عصر دن بریدز که اسلام عالمی انحطاطه دوچار اولمشدر . و بونک سبی اونک علوم طبیعی ک تکاملنی تعقیب ایتام ییدر . محققدر که اسلام عالمی ، بالکز عرفان اعلا ایدر . و بالکز بو وادیده در که غرب شرقه معاونت ایده بیلیر .

موسیو (فلیکس والیه) دها باشقه مسائلی موضوع بحث ایتیم ایسه ده بونلری حائر اهمیت کورمادی کمزدن نقله لزوم کورمایورز .

هندستانه

حرکت اسلامیة سی

۱ بوندن اولکی ایکی صایمزه (قالکوته) ده انتشار ایتکده اولان (الجامعه) رفیقمرک هندستان حرکت اسلامیة سی حقنده ویردیکی معلوماتی ترجمه ایتشدک . بومعلوماتک مابعدینی ده (الجامعه) رفیقمردن نقل ایدیورز [(هلال) طرفندن اجرا اولونان دعوتک نتیجه لرینه کلنجه بونلر بک مهمدر . اک شایان دقت اولانلری ایضاح ایدم :

۱ - ملی ، اجتماعی حرکتله هیچ بر مناسبتی اولمایان علمی و متصوفه صنفلری دالقدری خواب غفلتدن اویانه رق مسائل اجتماعی ایله علاقه دار اولمغه ، نافع ایشلر حقنده مداوله افکارده بولونمغه باشلامشدر . حیات و فعالیت اجتماعی به الفت ایدنجه بوصف لک آره سنده حکمران اولان تحالف ، تحاسد ایله بونلره ملازم اولان تعصب و جود کبی صفات تدریجاً زواله یوز طوتدی .

۲ - انکلیر مکتبلرنده تحصیل ایدرک دپندن اوزاقلاشان و حتی نفرت ایدن کنج لک (هلال) ک دعوتی اوزرینه قرآنی تبعه و دین اسلامی تدقیقه رغبت ایدرک بو وادیده ابراز فعالیت ایتیم و بالنتیجه غرب پرستلکده اک ایلری کیدنلردن بر چوقلری کیتدکلری بولک جیقماز اولدیغنی آکلایه رق مسلمانلغه صاریلشدر .

۳ - مسلمانلر ، مستبدلره قارشی حس ایتدکلری شین آور

برنجیسی ، بواصلاحک اوروبا طرفندن اجرا اولوناجق تضییق ایله یاپیلاماسی .

ایکنجیسی بواصلاحی ، قوتلی ، فعال ، مستقل برملت اسلامیة ک اجرا ایتمیسی .

بو وضعیتده ایسه انجق تورکیا بولونمقده در . اساساً تنظیمات خبریه ک عدم موفقیتی ممالک اجنبیه ک تأثیریه اجرا اولونماسی و مداخله اجنبیه به بر نهایت ویرده جکی یرده بالعکس اومداخله یی تقویه ایتمیسی یوزندندر .

تورکیاده تنظیمات دورینک باشلادیغنی صیره ده برانکلیر مؤرخ (داوید اورقوهارت) اوروبا دیپلوماتلری ک (لوندیه) ، (پارس) و (پترسبورغ) ده احضار و اعمال اولونان تجدداتی تورکیا به تحمیل ایتدیلری ک خطا اولدیغنی انباته چالیشمش ، غرب دساتیرنی شرقه تطبیق ایتمه ک محض خطا اولدیغنی بیان ایله مش و اسلام عنعناتک محافظه سنی حرارتله مدافعه ایتشدی (اورقوهارت) تورکیانک ایشلرینه و بالخاصه اصلاحات متعلق ایشلرینه اجنبیلرک مداخله ایتاملرینی طلب ایدرک ملل اسلامیة ک طبیعی بر صورتده عصری برحاله ارتقا ایتمیسی توصیه ایدیوردی . فقط اوروبا دیپلوماتلری هیچ بروقت مسئله یی جهانشمول ، انسانی ماهیتله اکلایه مامشدر ، مسئله ک معظم و اصيل بردینک ، نجیب و تاریخی ملتک مداخله اجنبیه دن مصون قالدق موجودیتلرینه عائد مسائل اساسیه یی حل ایتملرینه مساعدده ایله اوروبا و آسیانک مناسباتی تبدیل ایتک اولدیغنی ادراک ایتمه دیلر .

اسلام عالمده تجدیدی آنجق نفوذی صاغلام ، کندی قوتیه و کندی مؤسسائیه استقلالنی قورتاران اولان برملت اسلامیة اجرا ایده بیلیر ، دیمشدم .

مسلمانلک برطاقم دوغمالره صیم صیقی باغلی ، وجیات عصریه ک احتیاجاتنه قارشی ابکم عنعناته مالک اولدیغنی ادعا ایدنلر حرکندن محروم برمسلمانلک غیر موجود اولدیغنی اونوتیورلر . اسلام ، تاریخک بوتون حرکات فکریه سنه اشترک ایتشددر . (غولذ زیهر) ، (اسلامه دائر درس لر) نام اثرنده مسلمانلک قدرت تمثیلیه سنی ایضاح ایتکده در که بوايضاحات الحق شایان دقتدر . «

موسیو (فلیکس والینه) اسلام عالمده یاپیلاجق تجدیداندن بحث ایدرکن دییورکه :

« مسلمانلرک فابریقه لر ، دستکاهلر قورمه لرینه تجاری و مالی تشکیلات یایمه لرینه ، اسلام شرکت تعاونیه سنی انکشاف ایتدیرمه لرینه ، بالخاصه هرشیئدن فضله اسلام دارالفنونلری و مدارسنی احیا و اصلاح ایتملرینه مساعدده ایدملیدر . فقط هیچ بروقت اسلام عالمده غرب مدینتک نقایص و میسایوسنی تحمیل ایتمه ییکز . چونکه بالذات غرب مدینتی

بو انقلاب حریت واستقلالک اساسیدر . اولجه ملتک قارشیسندہ حسیاتی تحریک ایدہ جک ، قوتلری ایشلته جک ، اونی همت و فعالیتہ سوق ایدہ جک بر غایہ یوقدی .

بوندن طولایی همتلری عاقل ، قلبلری مایوس ایدی . (هلال) ک دعوتی ملتی اویاندیرمش ، حسیاتی احیا ایتمش ، چراغ امیدنی یاقمش ایدی . (هلال) ک عنوانی «ولانہنو اولاتخزنوا واتم الاعلون ان کنتم مؤمنین» آیت کریمہ سی ایدی . بونک نتیجہ سی اولارق مسلمانلر چوق ایلریله مشلر ، او قدرکہ یقین سندن بری اویانان بت پرستلر بیله فداکارلق واستقلال مجاهدانده اونلری کچہ مامشلردر .

۶ - هندستان مسلمانلری اولجه اسلام مملکتلرینه ، تورکیایہ اهمیت ویرمزلردی . بونلرک اکثریسی طرابلس ضرب ، تونس ، جزائر ، اناتولی ، قافقاسیہ وسائر اقطار اسلامیہ نک اسملری بیله ایشیتما مشلردی . هندستانلیر تورکیایہ روم مملکتی ، وخایفہ مسلمین اولان تورکیا سلطاننہده (سلطان روم) دیرلردی و اوکا دائرہ نیجه نیجه غریب حکایہ لر ، کولونج خرافه لر روایت ایدرلردی . کرچه هندستان مسلمانلری قافقاسیہ حقندہ بر جوق شیلر بیلیرلردی . فقط بو معلوماتہ کوره قافقاسیا قاف مملکتی ایدی . ودنیانک سرحدی ایدی . دیولرله سیاه ، بیاض عفريتلرک مسکنی ایدی ، عالم نوردن دوشن کوزل قادینلرک وطنی ایدی . (هلال) مجموعه سی بوتون بوکي خرافاته سل سيف ایدرک قافقاسیایانک بر اسلام یوردی اولدینغی وانکله علاقہ دار اولمق لازم کلدیکنی ایضاح ایله مشدی .

عوام مسلمین بو حقایق ادراک ایتدیکنی کوندن بری بو اسلام مملکتلرینه بی پایلن بر مودت طویمنه باشلادیلر .

۷ - مسلمانلر انفراد ومخالفت سیاست سناستندن فراغت ایدرک سائر وطنداشلریله برلشدیلر وسیاست ملیهده عامل اولغه باشلادیلر .

مصر احوالی

انکاتره ایله مصر آره سنده الک حرارتلی مجادله

بر قاج هفته مقدم مصرده ، اولاً حکومتک تعیین ایتدیکنی ارباب اختصاصدن اوتوز کیشی احضار ، ثانیاً مصر حکومتیله انکاتره نک مصر فوق العاده قومیستری آره سنده وقوع بولان مناقشات نتیجه سنده تعدیل ایدیلان ، ثالثاً مصر حکومتیله مصر حکمداری آره سنده جریان ایدن مذاکرات وحکمدارک کندی حقوقی تأمین ایتمه سی ایچون وقوع بولان مکرر تعدیلات نتیجه سنده کسب قطعیت ایدن مصر قانون اساسیسی اعلان اولونمشدی . افکار عمومی مصریه قانون

عبودیتدن قورتولارلق حریت بولنه قاتیلمشلر وبو وادیده او درجه ایلریله مشلردی کهنه حکومت ، نه ده محافظه کارلر بوجریانہ قارشى طورامامشلر ؛ آرتیق کوللردہ متمکن باطل وبوش برهیتہ استناد ایدن استبدادک قوتی اضمحلاله دوچار اولارلق یرینه شہامت وبسالت حسلری قائم اولمشدی . بونک اوزرینه ملت غصب اولونان حقلری ایتمه مکہ ، ایچنده کی خائنلرہ قارشى مجادله ایتمه مکہ ، دشمنلرہ یاردانجیللق ایدن رؤسای تپہ لہ مکہ باشلامش وبالنتیجه بونلر ارادہ ملیہ یه انقیاددن باشقه برچارہ لری اولمادینغی آکلامشلردی .

مملکتک صلاح وسلامتہ چالیشانلر بیلکلرینک قوتلندیکنی ومملتک کندیلریله برابر یورودیکنی کورونجه بوتون مراکز اجتماعیه وجعیات عمومیہ قوتلی برحله ده بولونارلق بونلری آلدہ ایتمشلر وبونلری اشغال ایدن خائنلری طرد وتبعیده موفق اولمشلردی . بو اوغورده الک صوک موفقیته «بوتون هندستان مسلمانلری جمعیق» تسمیه اولونان تشکیلاتک آلدہ ایدلماسیله قازانیلمش ، احرار اسلام حکومتک آلدہ کوربر آلتدن باشقه برشی اولمایان بو جمعیقده حقیقی بر مؤسسہ ملیہ حالہ قویارق قانون اساسیسندن «انکاتره دولته صداقت» عبارہ سی طی ایله یرینه «هندستانک استقلال تامی» عبارہ سی قویمشلردر . بوصورتله بواسلام جمعیتنک قانون اساسیسیله هندستان جمعیق ملیہ سنک قانون اساسیسی بر اولمشدر .

۴ - بو حریت جریانیله برابر حق وحقیقت ومنافع مملکت اوغورنده فداکارلق حسلری اویانمش وهرکس ، بالخاصه ، ارباب اقتدار وصلاحت مجاهده میدانلرینه آتیلمشلردر . بوذوات عالیہ میاننده بالخاصه علیکره کلیه سندن نشئت ایدن وعصری برتریہ کورن ایکی مشهور برادری ، مولانا محمد علی ایله مولانا شوکت علی بی ذکر ایدہ بیلیرز . اول امرده (قومرہد) غزته سنک مقتدر محرری اولان محمد علی (هلال) . مخالفیت ایتمش ايسه ده بالآخره بو مخالفندن واز کچہ رک (هلال) ایله تشریک مساعی ایله مش وعینی وادیده مجاهدانده بولونارلق (هلال) صاحبی مولانا ابوالکلام کبی اوده ، قرده شی ایله برابر توقیف اولونارلق حبس ایدلمشلردی .

وبوتون حرب عمومی دوامنجه محبوس قالمشلردی . حرب عمومینک ختامی امتعاقب تخلیه اولوندقلری زمان هندستانک حرکت حاضرہ سیله مشغول اولارلق بو حرکتک باشلیجه رؤساسندن اولمشلردی . بوکون بته مولانا محمد علی ایله قرده شی محبوسدرلر . هرایکسی الحق اسلامده ، هندستانده الک مهم بویوک خدماتی ایفا ایتدیلر . ایلك فرصتده بو ایکی قرده شک ترجمہ حالی نشر ایدن قارئلرمزی تنویر ایدہ جکیز .

۵ - ملتک احوال روحیه سنده عظیم برانقلاب حاصل اولورکه ،